

歷代職官表

冊
十

歷代職官表

卷七

健

銳

營

總

統

長水校尉胡騎校尉越騎校尉步兵校尉輯濯令

尉	右尉	左尉	校尉	佐軍	校尉	功軍	校尉	典軍	校尉	下軍	校尉	中軍	校尉	上軍	校尉	長水	校尉	步兵	校尉	越騎	校尉
校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉	校尉
												校尉	步兵	吳校尉	越騎	校尉	步兵	校尉	長水	校尉	蜀漢
												校尉	步兵	吳校尉	越騎	校尉	步兵	校尉	長水	校尉	蜀漢

左神策軍 右神策軍 左神策軍 右神策軍

[illegible]

健 銳 營 翼 長 參 領 等 官

長校尉 胡校尉 越校尉 步校尉 長校尉 胡校尉 越校尉 步校尉 長校尉 胡校尉 越校尉 步校尉
 黃羽林 頭 翼 長 參 領 等 官

由司馬 督異力
 基馬基

左神策 指諸軍 使左神策 都諸軍
 右神策 揮諸軍

天龍衛 龍神衛 每軍使 副軍使 馬神衛 水軍使

三 旗 虎 槍 營 總 統 總 領 等 官

周郎
萃士

殿前
左射
將軍
監將
右威
使軍
神左
軍大
生右

火器健銳虎槍各營

國朝官制

火器營總統六人

以前王公或領侍衛內大臣都統前鋒統領護軍統領兼任

掌教演火器之政令初康熙三十年始置火器營設鳥槍護軍每人各給

鳥槍一八旗各給予母礮五專司練習火器以王公大臣兼領初無定員

雍正年間始定置六人乾隆十年以朝陽門內隆福寺前官房一所爲火

器營公署三十八年移住一半於廣仁宮後之御河旁別爲一營以去城

市遠俾得專心訓練焉

火器營左右翼翼長各一人

正三品

八旗掌關防營總每旗各一人

正三品委署翼長二人在

內鳥槍護軍參領每旗各一人

正三品

副鳥槍護軍參領每旗各二人

正四品

兼管

礮位每旗各一人委署鳥槍護軍參領每旗各四人又五品頂帶花翎委署鳥

槍參領十人

於鳥槍護軍校內選用仍食原餉

鳥槍護軍校每旗二十八人筆帖式每旗各二

人

於護軍內選用仍食原餉

掌訓練火器較試以時每歲秋後於蘆溝橋演放子母礮咸率其屬以從事焉其所移住御河旁一營兼在昆明湖教習水戰營總乾隆二十九年置烏槍護軍參領初設十六人均以旗員兼任雍正三年省察哈爾八旗護軍參領改入火器營定爲專設之缺乾隆二十七年省八人又初制有烏槍驍騎參領二十四人烏槍驍騎校一百十二人乾隆三十五年省驍騎參領以驍騎校額併入護軍校內卽以副護軍參領兼管礮位及委署護軍參領皆如今額又有烏槍藍翎長每旗二十八人八旗滿洲蒙古每佐領下烏槍護軍六人礮驍騎一人

健銳營總統無定員

以王公大臣兼任

掌健銳營之政令督率所屬以時訓練乾隆十四年於八旗前鋒護軍內簡雲梯精卒千人從征金川會其酋噶威請命經略大學士忠勇公傅恆

承

詔受降功成凱旋因

命以其衆特立爲健銳雲梯營於香山實勝寺傍建屋以居之其官屬皆設爲定額而以王公大臣兼理營務有缺則請

旨特簡焉

健銳營左右翼翼長各一人

正三品

八旗前鋒參領每旗各一人

正三品

副前鋒參

領每旗各一人

正四品

委署前鋒參領每旗各二人

即於前鋒校內選委

前鋒校共五十人

正六品

副前鋒校共四十人

即於前鋒校內選用

筆帖式四人

即於前鋒校內選用仍食原餉

前鋒軍演習

水師教習漢人侍衛十人把總十人

掌帥領營卒習雲梯馬步射鳥槍馳馬躍馬舞鞭舞刀之技每遇

巡幸則分其軍十之二以共隨扈之事又於昆明湖置趕繒船八艘以教水戰

駕船駛風咸精於其藝焉翼領等官俱乾隆十四年置委署前鋒參領副

前鋒校水師教習侍衛俱乾隆十八年增置水師把總由天津及福建水

師營選送天津四人福建八人又藍翎長共五十人前鋒千人委署前鋒

千人養育兵百人水手七十二人

三旗虎槍營總統一人

以公侯領侍衛內大臣簡任

三旗總領各二人

以內大臣都統前鋒統領護軍統領副都

統侍衛簡用

虎槍長每旗各七人虎槍副長每旗各七人

均於虎槍內選用

筆帖式六人

內三

人以七品虛銜仍食原餉委署三人無頂帶

掌以虎槍翊從凡遇

車駕蒐狩虎槍總統總領日以十人佩虎槍於前導侍衛前行安營後偵虎豹

出入備伏弩箭犁刀

行田遇大獸則列槍從之奉

旨殪虎或追蹤或尋山得則具奏以獻將首先刺虎一二人名奏

聞初康熙二十三年黑龍江將軍進精騎射善殺虎新滿洲四十人至京分隸

上三旗始置虎槍營設官以領之三旗虎槍人共六百人於侍衛參領親

軍校親軍前鋒校前鋒護軍校護軍驍騎校驍騎領催及閑散人內選用

初制設三百六十人雍正元年增置每旗各八十人內虎槍人四百八十

人學習虎槍人一百二十人虎槍總統總領馬褂以黃色槍長以紅色虎

槍人以白色衿均鑲以青乾隆三年始鑄給關防焉

歷代建置

謹案荀子稱齊之技擊不可以遇魏之武卒魏之武卒不可以直秦之銳士自古有國家者於兵制常額之外必有選鋒之軍訓練之衆教養於平時而收其效於一旦以資臂指而壯聲靈所關至鉅我

朝法制周密軍威宣鬯康熙中特置火器營以練槍礮虎槍營以格殪猛獸政一令專技精藝熟爲前代所未有我

皇上聖武維揚萬方震疊自歲己巳始以雲梯勝兵舁置健銳營於香山勁旅如雲無不一當千百復以歲時

親臨簡閱號令嚴明節制有方屹爲干城腹心之選嗣是

王師撻伐所至蕩平搗穴擒渠多恃是軍之宣勞著績仰見

睿謨廣運條畫精詳儲材豫而收效遠實爲超軼前代謹以列史所載詳加攷核如漢之八校尉唐之神策軍宋之四上軍遼之皮室舒新軍雖其

勇練皆不足以當今之萬一而特選精卒別設營制其用意尙有略相彷彿者至火器之制自古所無凡史所謂礮者皆以機發石而已元初得西域礮攻金蔡州城始用火然其造法不傳後亦罕用至明成祖平交趾得神機槍礮法因置神機營以肄習之行軍之用火器實權輿於此故求之前代尤無足以相擬惟當時或以善射或以習弩亦爲之別置一軍則一技專長未嘗不可援爲比附用是取其近似徵撫大略著之於篇庶俾列代得失之由藉以攷見一二其實

國家制度之盡善教訓之有方互古無倫初非秦漢以降武備弛缺者所得相提而並論也

三代

〔李善文選注〕周有七萃之士萃聚也亦猶傳有七輿大夫聚集有智力者爲王之爪牙

謹案周制有六軍三軍之名雖未嘗別立一軍如我

朝之健銳營然攷六韜練士篇太公曰軍中有大勇力敢死樂傷者聚爲一卒名曰冒刃之士有銳氣壯勇強暴者聚爲一卒名曰陷陣之士有奇兵長劍接武齊列者聚爲一卒名曰勇銳之士有披距伸鉤強力多力潰破金鼓絕滅旌旗者聚爲一卒名曰勇力之士有踰高絕遠輕卒善走者聚爲一卒名曰寇兵之士其曰聚爲一卒則七萃之義也蓋萃亦聚也吳子圖國篇云民有膽勇氣力聚爲一卒樂以進戰效力以顯其忠勇者聚爲一卒能踰高超遠輕足善走者聚爲一卒亦與太公六韜同皆沿七萃之制則略如今之健銳營矣圖國篇又云一軍之中必有虎賁之士力輕扛鼎足輕戎馬搴旗取將必有能者若此之等選而別之愛而貴之是謂軍命亦如今之健銳營甲於諸營也凡此雖未獨立軍名而義可互證故附識於此

〔穆天子傳〕天子西遊射於中囗命虞人掠林有虎在於葭中天子將至七萃之士高奔戎生捕虎而獻之天子命爲柙畜之東虞是曰虎牢

謹案周書世俘第四十武王狩禽虎二十有二貓二麋五千二百三十
五犀十有二犛七百二十有一熊百五十有一羆一百一十有八豕三
百五十有二貉十有八麀十有六麇五十麋三十鹿三千五百有八當
時擒虎之多至二十有二他猛獸無論雖事見逸書未能一一徵信要
可與今虎槍營職掌互證焉酈道元水經注顏師古漢書注皆引七萃
之士生捕虎之文王融曲水詩序稱七萃連鑣虞義詩亦云雲屯七萃
士蓋周制於虎賁之外別有此七萃之士其勇力足以捕猛獸正如今
之有虎槍營也惟是虎雖可以力斃而難以生擒伏讀

御製叢薄行云叢薄之中聞有虎三子逐逐隨其母槍斃於菟及一子其子
曳尾藏深莽惡獸應弗留餘孽是非所云不探卵_叶因命生擒觀壯材羽
林傲飢皆暴怒兩人搏一何足云一人獨攫誠堪詡其名乃曰見多爾索
倫侍衛中英楚手尾挈領安且詳須臾虎兇入柙擄被斑綺白涉鋪張豈
似今朝萬目覩喜亦詎爲萬目覩適有新歸化布魯

天藻煌煌賦事徵實蓋負嵎巨虎非用虎槍及虎神槍利器難以就殲惟小虎乃可生捕耳穆天子傳生捕虎之文究屬夸飾無關典要也

秦無可攷

漢

〔漢書百官公卿表〕中壘校尉掌北軍壘門內外掌西域屯騎校尉掌騎士步兵校尉掌上林苑門屯兵越騎校尉掌越騎長水校尉掌長水宣曲胡騎又有胡騎校尉掌池陽胡騎不常置射聲校尉掌待詔射聲士虎賁校尉掌輕車皆武帝初置有丞司馬

〔漢書刑法志〕武帝平百粵內增七校外有樓船皆歲時講肄修武備〔晉灼注〕百官表中壘屯騎步兵越騎長水胡騎射聲虎賁凡八校尉胡騎不常置故此言七校

〔程大昌雍錄〕其八屯校尉惟中壘射聲虎賁屯騎當在城中而四屯悉在城外故步兵校尉掌上林苑門之兵越騎校尉掌越人內附之騎長水